



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-659-6/24**
Datum: **22.04.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «DISTRIBUTIVNI CENTAR TEŠANJ» d.d. Tešanj - Kraševo za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta poslovnog kompleksa objekata u naselju Kraševo, općina Tešanj, na osnovu člana 139. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE

1. Odbija se zahtjev pravnog lica, «DISTRIBUTIVNI CENTAR TEŠANJ» d.d. Tešanj - Kraševo za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta poslovnog kompleksa objekata sa pogonom za proizvodnju metalnih konstrukcija i dijelova konstrukcija, izgrađenog u naselju Kraševo na parceli označenoj kao k.č. broj 377/4 K.O. Kraševo, općina Tešanj s obzirom da za predmetnu aktivnost a u skladu s odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije.
2. Ovo Rješenje ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja predmetnog kompleksa objekata dođe do promjene tehnologije procesa čemu će dolaziti do produkcije i ispuštanja tehnoloških otpadnih voda u prirodni recipijent, korisnik kompleksa dužan je da pribavi vodne akte od nadležnog organa.
4. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom kompleksu objekata, korisnik zaštitnih vodnih objekata nije odgovoran za nastale štete.
5. Ovo Rješenje se može izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane pravnog lica, «DISTRIBUTIVNI CENTAR TEŠANJ» d.d. Tešanj - Kraševo dana 31.12.2024. godine podnesen je ovaj Agenciji zahtjev za izdavanje vodne dozvole za ispuštanje tehnoloških otpadnih voda u prirodni recipijent sa lokaliteta poslovnog kompleksa objekata sa pogonom za proizvodnju metalnih konstrukcija i dijelova konstrukcija, izgrađenog u naselju Kraševo na parceli označenoj kao k.č. broj 377/4 K.O. Kraševo, općina Tešanj.

Uz zahtjev nije dostavljena dokumentacija koja je propisana članom 12. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) te je dopisom broj: UP-1/21-3-40-659-2/24 od 03.01.2025. godine, zatražena dopuna dokumentacije neophodne za vođenje upravnog postupka od strane ove Agencije. Podnosilac zahtjeva je dopunio zahtjev u traženom roku.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-24-003096 izdatog dana 15.10.2024. godine od strane Općinskog suda u Zenici,
- Ovjerena kopija Uvjerenja o registraciji poreznog obveznika izdatog dana 05.09.2019. godine od strane Porezne uprave Federacije FBiH – Kantonalni porezni ured Zenica,

- Ovjerena kopija Uvjerenja o registraciji/upisu u Jedinstveni registar obveznika indirektnih poreza, broj: 04/I-17/14-UPJR/1-5843-2/19 izdatog dana 24.09.2019. godine od strane Uprave za indirektno-neizravno oporezivanje Banja Luka,
- Kopija Rješenja o vodnoj dozvoli broj: UP-I/25-3-40-607-4/19 izdatog dana 03.02.2020. godine od strane «Agencije za vodno područje rijeke Save» Sarajevo,
- Kopija Rješenja o upotrebi građevine broj: 12-23-06009/14 izdatog dana 07.11.2014. godine izdatog od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Ugovora broj: 75-01/25 o čišćenju separatora i odvozu otpadnog mulja i taloga iz separatora zaključenog dana 06.01.2025. godine sa «FORTIN» d.o.o. Tešanj (prilog: transportna dokumentacija za otpad broj: 05/2024 ovjerena od strane «AIDA-COMMERCE» d.o.o. Sarajevo sa računom o čišćenju broj: 505/7 od 11.02.2025. godine),
- Glavni projekat – vanjske hidroinstalacije: Promjena namjene skladišnog prostora u objekat proizvodne namjene-pogon za proizvodnju metalnih konstrukcija u Kraševu, općina Tešanj, broj: 18-IB-G/12 urađen od strane «IBIS» d.o.o. Zavidovići, april 2012. godine – na uvid,
- Kopija Izvještaja broj: 2318/24 o monitoringu kvaliteta i kvantiteta otpadnih voda objekta «DISTRIBUTIVNI CENTAR TEŠANJ» d.d. Tešanj - Kraševo urađen od strane «Inspekt-RGH» d.o.o. Sarajevo, novembar 2024. godine,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog kompleksa objekata u naselju Kraševo, općina Tešanj i tom prilikom je sačinjen Zapisnik o uviđaju broj: UP-1/21-3-40-659-5/24 od 15.04.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- U okviru kompleksa «DISTRIBUTIVNI CENTAR TEŠANJ» d.d. Tešanj lociranog uz magistralni put MP-4 Doboja-Banja Luka u naselju Kraševo, općina Tešanj osim poslovnog dijela postoje skladišni prostori, carinski terminal sa parking površinama, restoranski prostor, saobraćajne i manipulativne površine. Dio skladišnog prostora je pretvoren u pogon za proizvodnju prikolica i poluprikolica te ostalih metalnih konstrukcija (prostor pod zakupom). U procesu proizvodnje metalnih konstrukcija koriste se mašine za obradu metala (sječenje, savijanje i rezanje) dok se pozicije same šasije sastavljaju postupkom zavarivanja. U navedenom proizvodnom procesu ne nastaju tehnološke otpadne vode.
- Snabdijevanje vodom objekata Distributivnog centra vrši se sa postojećeg izvorišta-bunar (kapacitet 4,7 l/s) za što je od strane nadležne Službe za finansije, privredu, komunalne i inspeksijske poslove Općina Tešanj izdat vodni akt.
- Sanitarno-fekalne vode iz toaleta izgrađenih u sklopu kompleksa se zasebnim kanalizacionim sistemom prikupljaju i odvođe u septičku jamu za što je od strane nadležnog Ministarstva za poljoprivredu, šumarstvo i vodoprivredu Zeničko-dobojskog kantona izdat vodni akt.
- Sistem odvodnje oborinskih voda sa uređenog platoa, parking i saobraćajno-manipulativnih površina izveden je u skladu sa Glavnim projektom urađenim od strane «IBIS» d.o.o. Zavidovići, april 2012. godine. Oborinske vode sa platoa, parking i manipulativnih površina se prikupljaju sistemom sabirnih kanala sa rešetkama i uličnih slivnika i kanalizacionim sistemom odvođe na tretman u separator ulja i masti. Krajnji ispušt prečišćenih voda, zajedno sa oborinskim vodama sa krovova objekata, je u rijeku Usoru. Prije konačnog ispusta u rijeku Usoru, izgrađeno je okno za monitoring otpadnih voda.
- Čišćenje i pražnjenje separatora ulja i masti vrši se redovno od strane firme «FORTIN» d.o.o. Tešanj prema ugovoru.
- Monitoring otpadnih voda se vrši redovno. Na uvid predočen izvještaj o ispitivanju kvaliteta otpadnih voda za novembar 2024. godine urađen od strane «Inspekt RGH» d.o.o. Sarajevo. Prema podacima iz dostavljenog Izvještaja utvrđeno je da ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

- Proces proizvodnje metalnih konstrukcija vrši se bez upotrebe nafte i naftnih derivata, a u samom proizvodnom procesu se ne upotrebljava voda niti nastaju tehnološke otpadne vode kao rezultat tehnološkog postupka, kako je to utvrđeno odredbama člana 3. stav (1) tačka (cc) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24) odnosno nema ispuštanja tehnoloških otpadnih voda u smislu odredbi člana 139. stav (1) tačka 3. Zakona o vodama.

Kako na predmetnom lokalitetu ne nastaju tehnološke otpadne vode kao rezultat tehnološkog postupka, kao ni oborinske onečišćene vode, te iz naprijed navedenih razloga, u skladu s odredbama člana 200. stav (1) Zakona o upravnom postupku te člana 3. stav (1) tačka (cc), a u vezi sa tačkom (s) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24) riješeno je kao u dispozitivu ovoga Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-659-4/24 od 04.03.2025. godine.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.građ.

Dostaviti:

- «DISTRIBUTIVNI CENTAR TEŠANJ» d.d. Tešanj-Kraševo
Kraševo br 68, 74266 Tešanj
- Ⓢ-AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava